



古今事文類聚

後集

廿二之廿三

~~99~~
~~32~~

逍遙文庫
文庫 6
28
32



新編古今事文類聚後集卷之二十二

新編古今事文類聚後集卷之二十二

建安 祝穆 和父 編
建業 唐富春 子和 梓

穀菜部

穀 禾 稼
黍 苽 附

羣書要語九穀三農生九穀鄭司農注稷秫黍稻麻大小豆大

小麥周禮六穀凡王之膳食用六穀鄭司農注稻黍稷粱麥爪

周禮五穀以五味五穀五藥養其病鄭司農注麻黍稷麥豆

百穀柔者黍稷之總名稻者既種之總名菽者豆之總名

三穀各二十種為六十蔬果之實助穀各二十凡為百穀楊泉

物理論 五穀皆熟為有年 穀梁 載南畝播厥百穀 詩載 五

其乘屋其始播百穀 七月 穀賤傷農 昭帝詔

禾稼 禾嘉穀也二月始生八月而熟得時之中故謂之禾 說文

禾易長 苗終善且有 甫田 十月納禾稼 七月 我稼既同 同上 曾

孫之稼始次如梁 甫田 大田多稼 大田 地之美者善養禾 賈山

論 好是稼穡力民代食稼穡惟寶代食惟好 桑桑 禾之秀實者

為稼 一曰在野曰稼 說文

黍以木暑而種故謂之黍 說文 秬 秠 黍稷 一稔二米 爾雅 糜赤

黍也 詩注 豐赤苗 苞白苗 同上 黍稷非馨明德惟馨 君陳 華黍

時和歲豐宜黍稷也 小雅 豐年多黍多稌 亦亦有高廩萬億及

祿 周頌 黍稷稻粱農夫之慶 甫田 仲夏農乃登黍 月令

詩句 麗亞百頃稻西風吹半黃 杜牧之 自注 麗亞 稻名 穫稻空雲水 杜 稻

熟天風香 香稻三秋米 並杜

古今事實

神農播穀

炎帝大庭氏下為地皇作耒耜播百穀曰神農 月令疏

后稷播穀

帝曰棄黎民阻饑汝后稷播時百穀

幽公播穀

周公陳后稷先公之由致王業之艱難也亟其乘屋其始播百

僖公重穀

魯僖公務農重穀牧于坰野

事文類聚後集 卷之二十一 二

問錢穀幾何

漢文帝問左丞相周勃曰天下錢穀一歲出入幾何勃謝不知
上又問右丞相陳平平曰各有主者陛下問錢穀責治粟內史
木風偃禾 以下係禾

武王既喪管叔及其羣弟流言曰公將不利於孺子天大雷電
以風禾盡偃王啓金縢之書天乃雨反風禾則盡起

異畝同穎

唐叔得禾異畝同穎獻諸天子

樊遲學稼

樊遲請學稼子曰吾不知老農

認稻弗爭

吳鍾離牧客居水輿自墾荒田稻熟民有識認牧以稻子民縣
長欲繩以法牧為請得釋民慙懼春稻得米六十斛還牧牧不
受民輸置道旁無敢取者 晉郭翻客居臨川欲自墾荒田先
立表題經年無主乃作稻將熟有認之者悉推與之縣令聞而
詰之以稻還翻遂不受

公田種秫

陶淵明為彭澤令公田悉令種秫稻妻子固請種粳乃使二百
五十畝種秫五十畝種粳

一莖九穗

光武生濟陽縣舍是歲縣界有嘉禾生一莖九穗因名曰秀

黍離閔周

以下係黍

黍離閔宗周也周大夫行役過故宗廟宮室盡為禾黍傷周室之顛覆彷徨不忍去故作是詩也

先黍後桃

孔子侍坐於魯哀公設桃具黍哀公曰請用仲尼先飯黍而後噉桃左右皆掩口失笑公曰黍者非飯之也以雪桃也仲尼對曰丘知之矣夫黍者五穀之長也祭先王以為上盛菓有六而桃為下祭先王不得入於廟且聞之也君子以賤雪貴不聞以賈雪賤今以五穀之長雪菓旅之下是侵上忽下也韓子

吹律生黍見地門

盜割禾黍

魏李士謙望見盜割其禾黍者默而避之家僮執盜者士謙曰

窮困所致放之

古今文集

雜著

賀嘉禾表

柳宗元

嘉禾順成靈貺昭格天人合應遐邇同心中賀伏惟皇帝陛下睿謀廣運神化旁行植物知仁祥圖應聖靈嶽不惑於贊佑燕谷用遂於生成豐稔隨均知朔南之被澤休嘉克叶見天地之同和六穗慙稱於漢臣異畝耻書於周典自中形外均慶同歡古詩

憫農

李紳文粹

春種一粒粟秋收萬顆子四海無閑田農夫猶餓死

事文類聚後集

卷之三十一

鋤禾日當午，汗滴禾下土。誰知盤中食，粒粒皆辛苦。

田家詞

元結

牛吒吒許田确确旱塊敲牛蹄趵趵利種得官倉珠顆穀六十
年來兵簇簇月月倉糧車轉轉一日官軍收海服驅牛駕車食
羊肉歸來收得牛兩角重鑄鋏犁作斤斲姑舂婦擔輪促促輸
官不足歸賣屋農歛有兒牛有犢不遺官軍糧不足

野老歌

張籍

老翁家貧在山住耕種南山三四畝苗疎稅多不得食輸入官
倉化為土
歲暮鉏犁倚空空呼兒登山收橡實西江賈客珠百斛船中養
六長食肉

律詩

觀稼

楊廷秀

井字行都整花香遠已穉穗肥黃俯首芒動紫掀舞風攪平雲
陣聲鬆缺月鏹不愁禾把城高廩却愁添

米粟同

羣書要語丞民乃粒田米食曰粒益稷樂歲粒米狼戾多取之
而不為厯勝文

粟禾子也嘉穀實也粟之為言續也說文獻粟者操右契獻米
者操量鼓曲禮雖有粟吾得而食諸語十二米粟非不多也公
孫丑廩人繼粟萬章

詩句為問浙東米貴賤老夫乘興欲東遊杜解問故人供飯米杜訓高使君乞米助饋餽荆公白露黃粱熟杜新炊間黃粱杜

古今事實

為親負米

子路見孔子曰由也事二親之時常食藜藿之實而為親負米百里之外詳見父母門

食貴於王

蘇秦謂楚王曰楚國之食貴於王薪貴於桂又云食王炊桂薛見謂見門

索長安米

東方朔言臣若無用宜棄捐無索長安米

拍與困米

魯肅以振窮士為務其得邑人歡心周瑜為居巢長將數百人故過侯肅并告資糧肅家有困米各三千斛乃指一困與瑜瑜益知其奇也遂相親結定僑禮之分

齋米賑給

吳全琮父柔為桂陽守使琮齋米數千斛與吳交易琮皆賑給士大夫空船而還柔奇之

為米折腰

陶淵明為彭澤令郡督郵至縣應東帶見之歎曰我不能為五斗米折腰向鄉里小兒即日解印綬去賦歸去來辭遂其志不受米舟

王脩齡貧乏陶胡奴為烏程令送米一船答曰王脩齡饑自就謝仁祖索食不須陶胡奴米世說

有麥辭米

齊劉懷惠為齊郡守人有餉新米一斛者懷惠出所食麥飯示之曰食有餘幸不煩此

鼠雀耗

梁張率為新安太守遣家僮載米二千石還宅及至遂耗其米率問其故答曰鼠雀耗率笑曰壯哉鼠雀竟不研問

寄載多取

梁庾詵嘗乘舟從山舍還載米百五十石有人寄載二十石至宅寄載者曰君三十石我百五十石詵默然不辨然其取足

干米取侮

梁忱綯少貧干宗黨得米數百斛為宗人所侮屢采而去及貴不以為憾

乞米帖

顏魯公乞米於李丈夫帖云拙於生事舉家食粥而已數月今又罄乏實用憂煎

盜米易酒

陽城嘗絕糧遣奴求米奴以米易酒醉臥于路城與弟迎之奴未醒乃負以歸及覺痛咎謝城曰寒而飲何害焉

發粟賑貧以下係粟

武王發鉅橋之粟以賑貧弱史記

言文類聚卷之三十一 梁丘之

不食周粟

伯夷叔齊聞西伯善養老往歸焉值武王東伐紂叩馬諫左右欲刃之太公曰此義人也扶而去之武王平殷亂天下宗周伯夷叔齊耻之不食周粟而餓死

為母請粟

子華使於齊冉子為其母請粟子曰與之釜請益曰與之庾子曰赤之適齊也乘肥馬衣輕裘吾聞之也君子周急不繼富

得粟與鄰

原思為之宰與之粟九百辭子曰毋以與爾鄰里鄉黨乎

小收大貸

田疇子乞為齊大夫收賦稅於民以小斗受之其粟予民以大

斗行陰德於民由此得齊衆心田乞卒子常立復脩釐子之政以木斗出貨以小斗收齊人歌之曰媼乎采芣歸乎田成子

因饑乞糴

晉救饑使乞糴於秦秦於是輸粟於晉命之曰汎舟之役

閉糴無報

晉饑秦輸之粟秦饑晉閉之糴故秦伐晉晉侯使韓簡視師復曰出因其資入因其寵饑食其粟三施而無報是以來也

移民移粟

梁惠王河內凶則移其民於河東移其粟於河內河東凶亦然

餽國人粟

鄭饑而未及麥民病子皮以子展之命餽國人粟戶八鍾

貸粟願早

莊周往貸粟於監河侯。監河侯曰：諾。我將得邑金，貸子三百金。周忿然曰：若乃言此，不如早索我枯魚之肆。

獨害食粟

宣曲任氏為督道倉吏。秦之敗，豪傑皆爭金玉，而任氏獨害倉粟。楚漢相距，民不得耕種，米石至萬。豪傑金玉盡歸任氏。貨食

據敖倉粟

酈食其說高祖曰：敖倉天下轉輸之要，急據敖倉之粟。

入粟拜爵

晁錯說文帝曰：方今之務，莫若使民務農。務農在於貴粟。貴粟之道在於以粟為賞罰。臣願陛下下入粟縣官，得以拜爵除罪。

陳粟相因

武帝太倉之粟，陳陳相因，充溢露積于外。腐敗不可食。末年悔征伐之事，下詔以趙過為搜粟都尉。

古今文集

古詩

貸米於如晦

梅堯臣

舉家鳴鵠，鴈架食無晨炊。太貧可，小貧安能不相喻。幸存顏氏帖，况有陶公詩。乞米與乞食，皆是前人為。

贈盧仝

韓愈

先生結髮，僧俗徒閉門不出動一紀。至今鄰僧乞米，送僕承縣尹，能不耻。

事文類聚後集

卷之三十一

九

冬春行

序見十二月

范至能

臘中儲蓄百事利。第一先春年計米。羣呼步碓滿門庭。運籽成
 風雷動地節。勻箕健無。糶糠百斛只費二百。忙。齋頭圓。齋前子
 長。隔籬耀白雪。生光。土倉瓦龕分。益藏不盡。不腐常新。香去年
 薄收。飯不足。今年頓首炊。白玉春耕有種。夏有糧。接到明年秋
 刈。熟隣更來。觀還嘆嗟。貧人下飽不可賒。官租私債紛如麻。有
 采冬春能幾家。

寄題南城吳子直子常上舍兄弟社倉 楊廷秀

有虞有宋。雙重華。兩聖一心民。一家綠針刺。水農事起。重華愁
 旱。從此始。黃雲登場。萬實秋。重華對天。朱却愁。二十八年臨玉
 座。大半光陰愁裏過。天顏憂喜丞相知。常平使者陳便宜。復為

社會自建溪。射江吳札承君師。伯霜仲雪發爾私。支苛虐寇手
 莫施。活幾。依子幾。東梨。詔子。又孫孫。又子。箇是重華聖人意。無
 論十世千百世

律詩

揚德逢送米與法雲一老作此詩 王介甫

盧仝不出僧流俗。我卜郊居避俗僧。今有鄰僧來乞米。我今送
 米乞鄰僧。

詩話

白粳

傅杜

杜子美稻畦詩。秋菰成果米。精鑿儲白粳。精鑿出。左傳。梁食不
 鑿。儲謂治米使白也。

事文類聚後集

卷之三十一

紅鮮

杜詩玉粒足晨炊紅鮮任霞散紅鮮言飯紅潤之色又收稻詩云紅鮮終日有玉粒未吾慳

豆

麥附

羣書要語菽者衆豆之總名物理論大豆菽也小豆菽也豆角

謂之莢其葉謂之藿廣雅箕豆莖也說文

麥來小麥也牟大麥也廣雅毛氏曰牟麥也詩箋雉麥播種而

穠之注雉麥太麥也孟子孟夏之月麥秋至月令農乃登麥同

上芄芄其麥麻麥像蒙並詩

詩句割盡黃雲稻正青荆公細麥落輕花崆峒小麥熟且願

休王師並杜來黃韻鷓鴣桑下麥青青韓黃花入麥稀麥

隴多秀色遲來芒漲天搖青波柳

古今事實

煮豆燃箕見兄弟門

進豆粥見粥門

撒豆厭勝見婢妾門

貽來牟以下係麥

思文后稷克配彼天貽我來牟帝命率節

不穫長麥

空子賤爲單父宰齊攻魯父老請曰麥孰請放民皆使出獲麥
空子不聽曰若使不耕者得獲是使民樂有寇也家語

麥秀兩岐

漢張堪為潁陽太守勸民農種以致殷富百姓歌曰桑無附枝
麥秀兩岐張君為政樂不可支

讀書灑麥見讀書用

馬行犯麥

魏太祖嘗行經麥中令士卒無敢麥犯者外騎士皆下馬持麥
以相代時太祖馬騰人麥中太祖曰制法而自犯之何以化下
然孤為軍帥不可殺請自刑因援劍寔髮以置地曹擘傳

古今文集

古詩

歸田園居

陶潛

種豆南山下草盛豆苗稀晨興理荒穡帶月荷鋤歸道狹草木
長夕露沾我衣衣沾不足惜但使願無違

打麥詞

張舜民

打麥打麥彭彭颯颯聲在山南應山北五月太陽出東北繞離
海嶠麥尚青轉到天心麥已熟鵲旦催人夜不眠竹雞呼雨雲
如墨木婦腰鑷出小婦具筐逐上壠先採青下壠已成束田家
以苦乃為樂敢憚頭枯面焦黑貴人薦顧已嘗新酒醴雍容會
所親曲終厭飲勞僮僕豈信田家味入唇盡將精好輸公賦次
把升斗求市人麥秋正急又秧禾豐歲自少凶歲多田家辛苦
可奈何將此打麥詞兼作插禾歌

律詩

唐文苑英華後集

次秀野刈麥韻

朱元晦

貽年夙昔但聲歌今見郊園樂事多且喜旣稔符善禱未須藎
蕨去声 妖娥靈鷲政自誇真上香鉢何煩問畢羅我欲賣方
來學稼不知還許受厚麼小說人有中麥毒夢紅裳娘子
悲歌有「九芳服火玉官之句

蔬菜

菴附

羣書要語菜謂之蔬不熟曰醜雅亦曰藪同上菜則葱韭蒜
芋青笋紫姜薑薤甘旨藜麥分芳藜荷依蔭時藿回陽綠菜合
露白薤負霜潘岳賦春韭夏菘秋韭冬菁蘇菘紫薑蒲撤藟
腥並南都賦蘋藻蘊藻之菜可羞於王公左我有旨藟亦以御
冬谷風八月斷壺七月其軟伊何維笋及蒲韓奕仲秋之月命

有司趣民務蓄菜月令

雖蔬食菜羹瓜祭少齊如也語十膾土

酥如練魏夫人帖

又謂之茭白歲久中心生白臺謂之菰米其臺中有異者謂

之茭蕪至後結實乃雕胡黑米也本草

蔓菁生於山者名山藥秦楚名玉延孫真人千金方

芋名蹲鴟

詩句摘我園中蔬選畦蔬遶茅屋自足媚盤餐每愧無畦菜

空令卸馬鞍自鋤稀菜甲小摘為情親園蔬抱金玉夜

雨剪春韭並杜隣舍與園蔬杜訓高使君菜本如白玉原去非

玉人憐我長蔬食走送厨珍自不奪山谷長安冬菹酸且綠金

城土酥淨如練油土酥今之釐服也奉頌僚友送園蔬並山

事文類聚後集

卷之二十二

灌韭曰齏灌薤曰醢通俗文醢人共五齏周禮朝齏暮鹽韓

進學解懲於羹者吹於薤楚詞仲冬菜經霜蕪菁葵等雜菜乾

乏並為鹹菹有得其和者並作金釵色南人作鹹菹以糯米熬

搗為末并研胡麻和釀之石逢令熟菹既甜脆汁亦酸美荆楚

歲時記

詩句山舍粟米飯野菜淡黃齏傳灯錄金花屑橙齏高適念子

朝夕勤鹽齏歐

古今事實

飯蔬飲水

孔子曰飯蔬食飲水曲肱而枕之樂亦在其中矣

薑不多食

孔子不推薑食不多食

擇菜

宣尼窮於陳蔡之間顏回擇菜又曰顏回不茹葷三月莊子

拔其園葵

公儀休為魯相食葵而美拔其園葵而棄之不與人爭利

馬逸踐葵

魯漆室女曰昔晉客舍吾家係馬於園馬佚踐吾園葵使吾終

歲不厭葵味詳見漢書目

服黃菁子

陸通字接輿與妻俱隱蜀峨眉諸名山食菌櫛實服黃菁子俗

傳以為仙

事文類聚後集

卷之二十一

十四

食芋厭葱

徐無鬼見魏武侯武侯曰先生居山林食芋栗厭葱非以貧寡人父矣夫莊子

嶧山蹲鴟

卓氏之先趙人秦破趙遷卓氏之蜀曰吾聞嶧山之沃野有蹲鴟至死不餓乃求遠遷致之於臨邛

張騫得種

張騫奉使還始得大蒜首種

自食菜羹

後漢崔瑗愛士好賓客盛脩肴膳殫極滋味不問餘產居常食菜羹而已

瓦甕蔬食

後漢宣秉常蔬食瓦甕

留菴欲種

蘇峻之亂庾太尉南奔見陶公雅賞重陶性儉吝及食噉菴庾因留留陶問用之何為庾公曰故可種於是大歎

菜名避諱

有蔡郎者父諱純遂呼葦菜為露葵而墻之徒遍相倣效有士人聘齊主客郎李恕問曰江南有露葵否答曰露葵是葦菜水鄉所出今所食者綠葵耳顏氏家訓

勸食菜

野人獻芹見食物門

秋風思尊見思卿門

挑菜傷指

范宣挑菜傷指大啼曰身體髮膚不敢毀傷故啼藝文類聚

燕用菜果

桓温性儉每燕唯下七奠材菜果而已

常食唯菜

吳儻之為廣州清操愈勵常食不過菜及乾魚而已

太官常蔬

梁武帝太官常膳唯以菜蔬

菜食老菜

齊江泌性仁孝食菜不食心以其生苦意唯食老菜而已

未嘗食薑

梁周捨占對辯捷嘗與裴子野語及增好子野云從來未嘗食薑捨應聲曰孔稱不撤裴乃不嘗一坐皆悅

販葱為業

梁呂僧珍為冠軍將軍封子固侯其先以販葱為業及僧珍貴其兄子棄業求官僧珍不許曰汝等自有常分豈可妄求但當速歸葱肆耳

為守種菜

梁蔡博為吳興守不飲郡井齋前自種白苜紫茄以為常餌詔褒其清

二十七種

事類彙編

卷之三十三

七

庾杲之清貧自樂食惟有韭菹滷韭生韭雜菜任昉戲之曰誰謂庾郎貧食有二十七種謂三種韭也南史李崇為尚書令富而儉食常無肉止有韭茹韭菹崇客李元祐謂人曰李令公一食十八種人問其故元祐曰一韭十八聞者大笑雞跖集

春韭秋菘

齊周顒隱鍾山王儉謂曰卿在山中何所食荅曰赤米白鹽綠菜紫蓼又問何者最佳曰春初早韭秋末晚菘

受蒜不食

周黨見閔仲叔食無菜遺之生蒜仲叔曰我欲省煩耳今更作煩耶受而不食高士傳

懶殘食芋

李泌在衡嶽有僧明瓚號懶殘性懶而食泌察其非凡人夜往謁之瓚發火芋啗之曰勿多言領取十年宰相本傳

蒸葫蘆見食味門

種菜貽笑

冲晦處士李退夫者為事矯怪居京師北郊一日種葫蘆俗傳主人口誦猥語則茂退夫撒蓋誦曰夫婦之道人倫之正云不絕于口忽有客至命其子畢之子執餘種曰大人已曾上聞皇祐中館閣中或議論則曰宜撒葫蘆下巡江南野錄

咬得菜根

汪信民嘗言人常咬得菜根則百事可做胡康侯聞之擊節嘆賞聞見錄

食菹得蛭以十保菹

楚惠王食寒菹而得蛭因吞之

韭菜菹

石崇為客作豆粥咄嗟便辨每冬得韭菹王愷密問其帳下云豆至難熟豫作熟味客來但作白粥投之韭菹菹是擣韭根新以麥苗耳

葵汁為美

宋太宗命蘇易簡講文中子有揚素遺子食經菹菹含糗之說因問食品何物最珍對曰物無定味適口者珍臣尚知葵汁為美臣憶一夕寒甚擁爐痛飲夜半咳嗽中庭月明殘雪中覆下葵汁連咀數根臣此時自謂上界仙厨鸞脯鳳胎殆恐不及

欲作冰壺先生傳記其事因循未果也上笑而然之備文卷五十五 虛清語

古今文集

雜著

菜生異花

菜品中燕菁松芥之類遇旱其標多結成花如蓮花或作龍蛇之形此常性無足怪者熙寧中李質客及之知潤州園中菜花悉成荷花仍各有一佛坐于花中形如雕刻莫知其數暴乾之其相依然或云李君之家奉佛甚謹因有此異筆談

玉延賦

陳去非

吾間陽公之田不墾不耕爰播盈斗可獲連城資陰陽之淑氣孕天地之至精蜿蜒赤堠之腴煌煌白虹之英驚山木之凋發

目朝采之餘榮逮百嘉之澤盡候此王之豐成于公夫人方以
不貪為寶辭秦王而陋楚珩雖二獻其奚售乃舉贊於老生若
生囊中之法未試腹內之雷久鳴舉石鼎以自濯攬來腹之彭
亨春江浩其波濤遠壑颯以松声俄白雲之漲谷亂雙眼於晦
明擅人間之三絕色味勝而香清捧盃盃而笑頰映戶之新晴
斥去懶殘之芋畫棄接輿之菁收奇勳於景刻七未落而體輕
凌厲八仙掃除于彭見蓬萊之夷路接閭闔於初程彼徇華之
大夫張景陽北輪徇華大夫造冲漠公子其七命未云浮蟻星
沸飛華滌接輿石當其味儀氏進其法便豐丁朝可以流
通于含三生之宿醒汗之以蜂蜜厚之以羊羹合堂逸少之炙
同傳孝儀之鯖喚超然之至味乃陸沉於聾盲豈皆能於我遇
亦或卿而或烹左傳石乞曰事克以為卿不克則烹起援筆以三斗馳蛇蚓以縱

橫吾何與大夫之迷疾列子秦人逢氏子有迷罔之疾視白蓋以為馬其香以為真嘗謂以為苦也以慰此王之不平也

老圃賦

洪舜俞

嗟余生之刺垂甘倘密而郎疏痛恐階其倦游羸盤薄乎閑居
老既怯於山橋窮莫備乎澤車坐玩相牛之經間抄種樹之書
五十步兮野圃數百步兮破廬一禿翁以自樂羣瘵兒而共鋤
水鮮寒祛霏開日舒濯濯我畦瀏瀏我渠穉甲知長鮮茨藟扶
涉熟成趣雖然忘劬翁放鋤顧兒而言曰汝亦知夫世有遇不
遇之蔬乎駕酸施蓼塵醢餼藟藟蒲羞蟹食瓜薦魚芥醬且哉
葱滌且胸烈有桂椒滑有蕈榆已多乎憊人庖犧氏之初而况
織翠屠蘇殷紅甃醃淋漓觴筆轟虬鍾竽猩唇豹胎之鼎素醢

紫駝之厨始饒涎其趨新中便腹而厭餘於是簞曝望風而引
部若辛候色而應須擷翠茗於崑丘掇瑤穎乎方壺蔗漿感夏
而凍合萍莖祁寒而暖敷行以白玉奉之綠珠五侯鯖兮逐美
天酥隨兮失腴此其遇合不啻初識之機雲晚見之嚴徐也若
乃岩壑棲遲竹屋權籬尊擅場於秋風空結鮒魚之思非爭長
於春雨未辨黃梁之炊菽生而河豚上橙熟而蟹螯肥指雖動
而莫訓腹不負其幾希已而凌寒采薇近陽刈葵祛萱堂背擔
芹澗滑饒黃獨之雪苗筐白薤之露糝茗靡蕪以滌煩醪柘杞
而補羸冷淘煮兮槐茁餽飽斫兮藜滋滋膏研兮霽突飲糝火
兮蹲鴟醜糟紫薑之掌沐醢青陳之絲雲蒸罌米之乳濤淘胡
床之糜輪菌鵝鴨之瓠鬱屈龍蛇之芝婆娑熊蟠之菘鬢髮虬

鬢之落鱗孕子兮樓魚鱉解裙兮樹雞竹競綉兮稚子蕨初拳
兮小兒以至太華之藕黃河之菇婆羅之波稜太宛之首荷南
越之鹿角江東之帶蹄與夫蜀之雞蘇龍鶴椹脯加皮名器紛
綸色光陸離性異温涼氣分玉哀萼擇加精調眇得宜香聞喪
心味適鮮眉有舉按之接敬無輟金之見欺益分苾苾雜陳更
進可以甦文園之渴瘵首陽之饑彼其石芥老而愈勁苦笋少
而已奇蕈有拂土之風菊抱幽人之姿回睨蔓菁隨地而易質
薯蕷視入而變形曾不滿乎一啗矧肯數乎惡昔邪高鼻蒜而
穢萎然是蔬也進不榮於瓊貊鳴玉之齒退不豪乎重削胃脯
之願煙雲歎薄乎夜讀之吻風露簸蕩乎朝吟之脾與齊鉢莫
爭道食方丈平何期其不道可知已兒拱而前其然豈然諸葛

唐人詩集卷之二十一

聖文類聚後集 卷之二十三 二十
以姓行元脩以字傳王魯得坡老而重銀茄為浩翁而妍其
見賞於肉食之鄙孰若託名於拚茹之賢蓋窮患矯名之不立
而不患併其之食張達患伯學之不能行而不患一筋之萬錢
苟道義之信飽飯蔬食而樂焉翁捧腹一笑長歌振林皎白駒
之東笏母金玉今爾音

題書菜

黃魯直

不可使士大夫不知此味不可使天下之民有此色

古詩

題張處士菜園

高適

耕地桑柘間地肥菜常熟為問菜藿資何如廟堂肉

次劉秀野蔬食十三韻

朱元晦

乳餅

詩朝薦蔬盤乳餅有真味不用精瓊糜無勞爛羊胃

新笋

脩脩江上林白日暗風雨下有萬玉虬三友臥寒土

紫葺

誰將紫步苗種此槎上土便學商山翁風餐謝肥斝

子薑

薑云能損心此謗誰與雪請論去穢功神明看朝徹

共荷

寒菱翳秋塘風葉自長短劉心一飽餘并得林敷軟

南芥

事文類聚後集

卷之二十三

二十一

黃龍記昔遊園客有佳遺不為洛生吟輟食時擁鼻

燻菜

小草有真性託根寒澗幽懦夫曾一嚼感憤不能休

木耳

踈腸又自安異味非所諺樹耳黑垂聃登盤今亦乍

蘿蔔

紛敷剪翠叢津潤擢王本寂寞病文園吟餘得深齷

半魁

沃野無凶年正得蹲鴟力匡種萬葉青深煨奉朝食

筍脯

南山春筍多萬里行枯腊不落盤餐中今知綠如簍

豆腐 世傳豆腐本淮南王術

種豆苗稀力竭心已腐早知淮南術安坐獲泉布

白蕈

聞說閩風苑瓊田產玉芝不放雲表露京論相宜

園蔬十詠

劉彥沖

茭白

秋風吹折碧削王茹芳根應傍鵝池殘中懷洒墨痕

芋

分得蹲鴟種連根占地腴曉炊黏玉糝深碗吹糝糊

韭

肉食朝于九級恰氣韻清下畦春雨足翠髮剪還生

事文類聚後集 卷之二十一

瓠

漑金熟輪菌香清味仍美
一線解瓊瑤中有佳人齒

芥

葉實稍芳辛氣烈銷煩滯
登俎效微勞乍食驚頓噫

菘

周郎愛晚菘對客蒙稱賞
今晨喜薦新小嚼冰霜響

波陵

金鏃因形製臨畦發永嘆
時危思預佩楚客莫紉蘭

子薑

新芽肌理膩映日淨如空
恰似勻妝指柔尖帶淺紅

蘿蔔

密壤穿根蒂風霜亦飽經
如何純白質近帶染微青

苦菜

雖無適口味暖益功稀
比菜苦不登盤言忠多逆耳

種蒿苴

杜甫

苴今蔬之常隨事藝其子
破塊敷席間荷鉏功易止
兩旬不甲拆空惜理泥滓
野莧迷汝來宗生實於此
因知邪干正掩抑至沒齒
中園陷蕭艾老圃永為耻
登于白土盤藉以如霞綺
莫也無所施胡顏入筐篚

答劉原父寄糟薑

梅聖俞

名園萬家城干畦等封侯
斷當燕去前醃芽貴糟立
無筋偃王笑有味三間羞
寄入翰林席聖以不撤優
又寄蓬門下作賦誰

肯休唯我廣文舍免為齏鹽仇劉公漢家商才學歆向儔胸懷
飽經史辨論出九州曾不奉權貴但與故人投贈幸非贈耳此
意當自求

元脩菜 并序

蘇子瞻

菜之美者有吾鄉之巢故人元脩嗜之亦嗜之元脩云使孔
北海見當復云吾家菜耶因謂之元脩菜余去鄉十有五年思
而不可得見元脩適自蜀來見余於黃乃作是詩使歸致其子
種之東坡之下云

彼美君家菜鋪田綠茸茸夏菜圓且小槐芽細而豐種之秋用
餘種秀斂霜中欲花而未萼一如青虫是時青裙女採撷何
匆匆采之復想之香色蔚其饒點酒下鹽豉纒橙毛姜葱那知

雞與豚但恐放筋空春晝苗葉老耕翻烟雨叢潤隨草澤化暖
作青泥融始終不我負力與糞壤同我老忘家舍楚音變兒童
此物獨嫵媚終年繫余留君歸致其子囊盛勿用封張鷟移首
猶通用如葵菘馬援載意以羅生等蒿蓬懸知東坡下春鹵化
子鍾長使齊安人持此說兩翁

雨後行菜

蘇子瞻

夢回聞雨聲喜我菜甲長平明江路濕蚯蚓飛雨菜天公真富
有乳膏瀉黃壤霜根一蕃滋風葉漸俯仰未任筐筥載已作盃
盤想艱難生理窄一味敢專享小摘飯山僧清安寄真賞不監
如菌蕈脆美牙頰響白菘類羔豚冒土出踏掌誰能視火候小
竈當自養

種宋明

黃魯直

后皇富嘉種，大明注方術。耘耨一席地，時至觀茂密。縹葉資毛，羨細花馬蹄。寶霜叢風雨，餘簸簸場功。畢枕囊代曲，肱其寢聽。芬苾老眼願力餘，讀書真成癖。

種菜

劉彥冲

衡合植柔蔬，攜鉏埋荒穢。桔槔勤俯仰，一雨功百倍。朝來綠映土，新葉搖肺肺。牛羊勿踐畦，肉食屠爾輩。

春菜

蘇子瞻

蔓菁宿根已生葉，非芽戴土拳。如蕨爛蒸香，香白魚肥碎點青。蒿涼餅滑宿酒初消，春睡起細履幽畦。掇芳辣茵陳，其菊不負渠。鱸縷堆盤織手抹，北方苦寒今未已。雪底波稜如鉄甲，豈知

吾圃富又蔬，霜葉露芽菜更出。又地松葛猶細事，苦菜江豚那忍說。明年投効徑須歸，其待齒程并髮脫。

次韻子瞻春菜

黃魯直

北方春蔬嚼冰雪，妍暖思采南山蕨。爛蒸水餅姑置之，苦菜黃雞羹糝滑。尊絲色紫菰白首，蕘高牙甜焯頭辣。生菹入湯翻手成，毛以薑橙誇縷抹。驚雷園子出萬釘，白鵝截掌鼈解甲。琅玕森深未飄穉，軟炊香粳煨短茁。萬錢自是宰相事，一飯且從吾黨說。公如端為苦笋歸，明日青衫誠可脫。

饅首

蘇子瞻

贈君木魚三百尾，其狀如魚剖之得。中有鵝黃子魚子，夜叉剖腹欲分耳。王磷詩序，饅首如龍藏頭，敢言美願隨蔬果，得自用勿

使山林空老，外問君何事。食木魚烹，不能鳴固其理。

答永新宗令寄石耳

黃魯直

饑欲食首山，薇渴欲飲潁川水。嘉禾令尹清如水，寄我南山石
上耳。筠籠動浮烟，雨姿淪湯磨。沙光陸離竹，前餌粉相發。揮芥
薑作辛和味，宜公庭退食飽。下筋把菊避，席遺芥蓋。鴈門天花
不復憶，况乃桑鵝與豬鷄。小人藜羹亦易足，嘉蔬遺餉荷眷私。
吾聞石耳之生，常在蒼崖之絕壁。吾衣石腹風日炙，捫蘿拆蕨
採萬仞。側足委骨豺虎宅，佩刀買犢買牛作民父母。今得職
闕，仲叔不以口腹累安邑。我其敢用鮭菜煩嘉禾，願公不復耳
此，鼎免使射利登巖我。

薑子

楊廷秀

空山一雨山溜急，漂流桂子松花汁。土膏鬆暖都滲入，蒸出薑
花團戢戢。戴穿落葉忽起立，撥開落葉百數十。蠟回黃紫光欲
濕酥莖嬌脆，手輕拾響如鵝掌。味如蜜滑似尊絲，無點澁傘不
如笠。釘勝笠香留齒牙，麝真及菘菘楮雞避席揖。餐王茹芝嘗
却粒作羹不可踈，一日作腊仍堪贈盈笈。

羅仲憲送焯菜謝以長句

楊廷秀

學琴自有譜，相鶴自有經。疏經我繙盡，不見焯菜名。金華詩裏
初相識，王友尊前每相憶。坐令芥孫姜子牙，一見風流俱避席。
取士取名多失真，向來許靖亦誤人。君不見鄭花不得半山句，
却參魯直稱門生。

律詩

事文類聚卷之三

卷之三

二六

煮菜

秋來霜露滿東園
蘆服生兒芥有孫
我與何曾同一飽
不知何苦食雞豚

蘇子瞻

奉和孫奉議送菜絕句

黃魯直

春蔬照映庖
即貧遣騎持籠佐
茹葷却得齋厨厭
滋味白鵝存
掌盤留裙

謝楊履道送銀茄

黃魯直

君家水茄白銀色
殊勝堪裏紫彭亨
蜀人生疎不下箸
吾與北人俱眼明

陳說道約日送菜把

黃魯直

南山疇昔從諸父
雨甲煙苗手自鋤
三徑就荒歸計拙
瀟瀟烟條

大送園蔬

田園雜興

范至能

桑下春蔬綠滿畦
菘心青嫩芥臺肥
溪頭洗擇店頭賣
日暮裹鹽沽酒歸

又

海甬江風浪作堆
時新魚菜逐春回
荻牙抽笋河魴上
棟子開花石首來

又

梅子金黃杏子肥
麥花雪白菜花稀
日長籬落無人過
惟有蜻蜒蛺蝶飛

又

事文類聚後集

卷之二十三

二十七

撥雪挑來賜地松味如蜜藕更肥濃朱門肉食無風味只作尋常菜把供

燻菜

楊廷秀

藿曰文辭餐受辛子牙為祖芥為孫勸君莫謂獨醒客只謂高陽杜裏人

謝阮隱居致難

杜甫

隱者柴門內畦蔬送舍秋盈筐承露薤不待致書求東北青芻色圓齊玉筋頭衰年閑腸冷味暖併無憂

和七兄山蕒湯

黃魯直

厨人清曉獻瓊糜正是相如酒渴時能解飢寒勝湯餅更無風味笑蹲鴟打恣急雨如炊鼎亂眼睛雲看一匙已覺塵生雙井

枕濁醪從此不須持

山藥

朱元晦

性來朽壤耀瓊英小斲傾筐可代耕豢豹於人儘無分蹲鴟從此不須生雪餽但使人長健石鼎何妨手自烹欲賦王延無好語羞論蜂蜜與羊羹

春山笋蕨

楊廷秀

庖鳳烹龍世浪傳程唇熊掌我無緣只逢笋蕨杯盤日便是山林富貴天穉子玉膚新脫錦小兒紫臂未開拳只嫌嶺外無餘饌一味春蔬不直錢

病中屏肉味獨茹菜羹飯甚美

楊廷秀

雲子香抄玉色鮮菜羹新煮翠茸纖人間膾炙無此味天上酥

事文類聚後集 卷之二十一
陀恐爾甜酒是土膏含雨露何須管政與醞鹽如毛褐首雍巫
出鏡到熊罴未屬厭
古詩以下係齏

食齏

陳去非

君不見領軍家有鞋一屋相國藏椒八百斛士患饑寒求免患
癡兒已足憂不足伯龍平生受鬼笑無錢可使宜真濟但當與
作謫仙詩聊復使渠終夜哭詩中有味甜如蜜佳處一哦三鼓
腹空腸時作不平鳴却恨忍飢猶未熟冰壺先生作玄傳木奴
魚婢何足錄顏生狡獪還可憐晚食由來未忘肉

鹹齏十韻

陸務觀

九月十月屋瓦霜家人共畏睡蔬黃小鹽大鹽洗滌濯青松綠

非謹蓄藏天氣初寒手訣妙吳鹽正白山泉香挾書旁觀稚子
喜洗刀竭作厨人忙園丁無事卧曝日葉葉狼籍堆空廊泥爲
緘封糠作火守護不敢非時嘗人生各自有貴賤百花開時促
高宴劉伶病醒相如渴長魚大肉何由薦凍齏此際價千金不
數清泉槐葉麵摩娑便腹一欣然作歌聊續水壺傳

詠齏

楊廷秀

庾郎晚崧翡翠茸金城上酥玉雪容如何俱墮瑤堯中却與醞
雞同閔官金井銀床水清泚雪山水谷鹽輕脆秋風一月釀得
成字曰受辛非麴生太學鹽生朝復暮如冷啜寒那可度十年
雲汁凍蔬腸一夜饑雷聽更鼓不如東部甕頭醒一逢受辛還
一醒畢卓與爾同外生

律詩

苜蓿

楊廷秀

此薑馨辣最嘉蔬。孫芥芳辛不讓渠。蟹眼嫩湯微熟了。鵝兒新酒味醒初。棖香酸醱作三友。露葉霜芽知幾鋤。自笑枯腸成破甕。一生只解貯寒蔬。

新編古今事文類聚後集卷之二十二終

新編古今事文類聚後集卷之二十三

建安

祝穆

和父

編

建業

唐富森

子和

梓

林木部

松

羣書要語其在入也如松柏之有心也故貫四時不改柯易葉

禮記 歲寒然後知松柏之後凋也 語 徂徠之松 閔宮 薦與文蘿

施于松柏 頗弁 千歲之松下有茯苓 上有兔絲 淮南子說山訓

松脂淪入地中千歲為茯苓 玄中記 天陵偃蓋之松大谷倒生

之松 抱朴子 飲石泉兮蔭松柏 離騷 蔭落落之長松 孫綽賦 松

數千株切切交峙如冠劍大臣國有疑難處立而議杜牧晚晴賦撫孤松而盤桓陶歸去詞大松千歲其精化為青牛為伏龜嵩山記

詩句 鬱鬱澗底松選 虎閣自松聲杜 看松露滴身杜 勁色不改

節芳心誰與榮柳 南望長松架短壑安得赤脚踏層水杜秋熱

偃蓋反走蛟龍形杜 踈松隔水奏笙簧杜 踈韻秋撼撼涼陰夏

凄凄白庭松鐵木生溢紫鱗乾石曼卿 影搖千尺龍蛇動聲撼半天風雨寒同上

古今事實

食松實

倭佺好食松實能飛行如走馬以松子遺堯堯不能服時受服

者皆至二百歲刘向神仙傳

秦封大夫見泰山門

夢松為公見夢門

墓前種松

徐孺子墓在郡東時杜牧為守於墓前種松豫章記

齋前種松

張湛好於齋前種松時人曰張湛屋下陳屍

二運松菊

陶淵明歸去來辭二運就荒松菊猶存

如干丈松

和嶠庾亮見之嘆曰嶠森森如干丈松雖礫石多節施之大厦

有棟梁之用。

七松處士 見隱逸門

大松百童

秦系結廬泉州九日山有大松百餘童俗傳東晉時所植

松菊主人

韋表微授監察御史不樂曰吾將為松菊主人不愧陶淵明云

夾道植松

蔡君謨為閩部使者夾道種松以蔽歎毒閩人至今賴之 郡志

古今文集

雜著

植松論

符載 英華

楚國主人嗜材寔真有樹美松于庭者培沃土灌其澤根柢深
固柯葉暢達居二十年起盈尺挺於累丈始筵筋大於拱把高
姿傑然若陵重冢主人方凝睇結意曰是可采之矣將行斧焉
客有遇之者曰噫其甚也是木有曼雲之姿有構廈之材繩墨
太速恐天其理今植于庭除之間充耳目之翫尚見狎近氣色
不振若徙於嵩岱之間沈壑之華注於內日月之光薄於外祥
鸞噉噉戲其上流泉湯湯鳴其下巖岫重複漠漠然清淨靈風
四起聲掩箏韻是時也當境勝神王拔地于丈根實黃泉枝摩
青天則可以柱明堂而棟大厦也豈遐曠之旨捨此而取其椽
桷焚燎哉主人曰客言雖濶而無岍然余終能大之矣

惟松圖讚并序

陸龜蒙

有道人自天台來示余惟松圖披之甚駭人目根盤于巖穴之內輪困偏側而上身大數圍而高不四五尺礧礧然蹙縮然幹不假枝枝不假葉有若龍牽虎跋壯士囚縛之狀道人曰是何奇恠之如是乎余曰草木之生安有恠耶苟肥瘠得於中寒暑均於外不為物所凌折未有不挺而茂者也况松柏乎今不幸出於巖穴之內雖正性不辱而力與石鬪卒不勝其壓擁勇鬱遏全憤激許然後大醜彰於形質天下指之為恠木吁豈異人乎哉天之賦才之盛者蚤不得用於世則伏而不舒薰蒸沉酣日進其道摧擠勢奪卒不勝其阨號呼嗷拏發越赴訢然後大奇出於文彩天下指之為恠良嗚呼木病而後恠不能圖其真入病而後奇不奇不能駭於俗非始不幸而終幸者耶道

人曰然為我讚之讚曰

松生陰隘巖穴械病乎不快卒以為恠擁腫支離神羞鬼疑道人咨嗟筆傳其奇或恠於形或奇于態吾為恠鬼是以讚之

古詩

南山臨路有孤松往來所以為明好事者憐之編竹成援遂其生植感而賦詩

柳宗元

孤松停翠蓋託根臨廣路不以險自防遂為明所誤幸逢仁惠意重此藩籬護猶有半心存時將承雨露

松

魏劉公幹

亭亭山上松瑟瑟谷中風風聲一何盛松枝一何勁風霜正慘悽終歲常端正豈不罹雪霜松柏有本性

戲作種松

蘇子瞻

我昔少年日種松滿東岡初移一寸根瑣細如插秧二年黃芽
 下一一攢麥芒三年出蓬艾滿山散牛羊不見十餘年想作龍
 蛇長夜風波浪碎朝露珠璣香我欲食其膏已伐百本桑煮松
脂用
 桑柴灰水人事多乖迺神藥竟湫光竭來齊安野夾路鬚鬢蒼會開
 龜蛇窟不惜斤斧瘡縱未得茯苓且當拾流肪金盃百出入皎
 然散飛霜槁火三彭仇燥換五穀腸青骨疑綠髓丹田發幽光
 白髮何足道要使雙瞳方却後五百年騎鶴還故鄉

種松得徠字

蘇子瞻

春風吹榆林亂葉飛作堆荒園一雨過戢戢千萬栽青松種不
 生百株望一枚一枚已有餘氣壓千仞槐野人易斗粟云自魯

徂徠魯人不知貴萬籠飛青煤束縛同一車胡爲乎來哉泫然
 解其縛清泉洗浮埃枝葉傷尚困生意未肯回山僧老無子養
 視如嬰孩坐待走龍蛇清陰滿南臺孤根裂山石直幹排風雷
 我今百日客養此千歲材茯苓無消息雙鬢日夜催古今一俛
 仰作詩寄餘哀

古風上蘇子瞻

黃魯直

青松出澗壑十里聞風聲上有百尺絲下有千歲苓自性得久
 要爲人制頽齒小草有遠志相依在平生醫和不並世深根且
 固帶人言可醫國何用太早計小大材則殊氣味固相似
 律詩

贈賈松人

于武陵

入市雖求利，憐君意獨真。斷將寒澗樹，賣與翠樓人。瘦葉幾經雪，澹花應小春。長安重桃李，徒染六街塵。

松

白居易

偃亞長松樹，侵臨小石溪。靜將流水對，高共遠峯齊。翠蓋煙籠密，花幢雪壓低。與僧清影坐，借鶴穩枝棲。筆寫形難似，琴偷韻易迷。曙天風瑟瑟，靜夜雨凄凄。獨憇依為舍，閑行繞作蹊。棟梁君莫採，留著伴幽棲。

中書相公任兵部侍郎日，後閣植四松，逾數年，獬豸

此官因獻拙作

鄭毅夫

丞相當時植，幽襟對此開。人知舟楫器，天假棟梁材。錯落龍鱗出，灑然鶴翅迴。重陰羅武庫，細響靜山臺。得地公堂裏，移根澗

水隈。吳臣夢寐遠，秦獄歲年催。轉覺飛鸞謬，何因繼組來。幾尋珠履跡，願比角弓培。柏悅猶依社，星高久照台。後凋應共操，無復問良媒。

小松

章孝標

瓜葉鱗條龍不盤，梳風幕翠一庭寒。真言只似人長短，須作浮雲向上看。

小松

杜荀鶴

自小刺頭深草裏，而今漸覺出蓬蒿。時人不識凌雲木，直待凌雲始道高。

道傍木松人取為明

王介甫

虬角龍髯不可攀，亭亭千丈蔭南山。應嗟無地逃斤斧，豈願爭

明燭人間

詩言松意向不願見採於匠石充棟梁之用况肯區區與
螢燭爭明於頃刻間耶

秋思寄子由

黃庭堅

黃落山川知晚秋小虫催女歎功衰老松閱世臥雲壑挽蒼
江無萬年

松

鄭谷

下視垂楊拂路塵雙峰石上覆苔文濃霜滿逕無紅葉晚日高
枝有白雲春砌花飄僧旋掃寒溪子落鶴先聞那堪寂寞悲風
起千樹深藏李白墳

古松

王介甫

森森直幹百餘尋高入青冥不附林萬壑風生成夜響千山月
照樹秋陰豈因糞壤栽培力自得乾坤造化心廊廟之材應見
取世無良匠勿相侵

萬松亭 井序

蘇子瞻

麻城縣令張徹植萬松於道周以庇行者且以名其亭去未
千年而松之存者十不及三四傷來者之不嗣其意也故作
是詩

十年栽種百年規好德無人助我儀縣令若同舍庾氏亭松應
長子孫枝天公不救斧斤厄野火解憐冰雪姿為問幾株能令
抱慙慙莫忘角弓詩
昭二年晉侯使韓宣子來聘公享之韓子
賦角弓既享宴于季氏有嘉樹焉宣子咨
之武子曰宿敢不封殖此樹以
以無忘角弓之詩遂賦甘棠

古松

劉彦沖

風韻颯颯遠更清。蒼髯瘦甲從亭亭。連根欲鬪巖巖力。一蓋常涵雨露清。曾映月明留鶴宿。近經雷霹帶龍腥。衰殘愧我無仙骨。願採流膏慰暮齡。

柏檜附

羣書要語荆州厥貢。桧榦栝柏。禹貢新甫之柏。閔官松柏為百

木之長而守宮間。史記柏曰蒼官。禁宗師園亭記四時常保其

青青。莊子檜柏葉松身。說文

詩句偃蹇龍虎姿。生當風雲會。豈知十年根。中路顏色壞。杜病

古今事實

柏臺

朱博為御史大夫。府中列柏有野鳥數十。棲其上。因名柏臺。

漢陵植柏

漢諸陵皆屬大常。不屬郡縣。其入盜松柏者。棄市。三輔舊事

陵柏復生

昭帝時。長安諸陵柏樹枯倒者。悉起。生葉蟲食。作字云。公孫病已立。後昭帝崩。

萊公柏

寇萊公知巴東縣。嘗手植雙柏於縣庭。至今民以比。其棠謂之萊公柏。政要後巴東大火。柏與公祠俱焚。明年蒲陽鄭顛來為令。悼柏之焚。惜公手植。不忍剪伐。種凌雷於下。使附榦而上。以

海文類聚後集

卷之三十三

七

事類彙編後集 卷之三十三
著公遺德且慰邦人之思燕談

古今文集

古詩

古柏行

杜甫

孔明廟前古老柏，柯如青銀根如石。霜皮溜雨四十圍，黛色參天二千尺。君臣已與時際會，樹木猶為人愛惜。雲來氣接巫峽長，月出寒通雪山白。憶昨路繞錦亭東，先王武侯同閟宮。崔嵬枝幹郊原古，窈窕丹青戶牖空。落落盤踞雖得地，冥冥孤高多烈風。扶持自是神明力，正直元因造化功。大厦如傾要梁棟，萬牛回首丘山重。不露文章世已驚，未辭剪伐誰能送。苦心豈免容蠹蟻，香葉終經宿鸞鳳。志士幽人莫怨嗟，古來材大難為用。

律詩

晉朝柏

温庭筠

晉朝名輩此離羣，想對濃陰去幾分。題處尚尋王內史，畫時應是鮑參軍。長節夜靜聲疑雨，古殿秋深影勝雲。一下南臺到入世，晚泉清韻更誰聞。
古詩 以下係檜

和趙景貳栽檜

蘇子瞻

穎州與亳州接壤，亳州老君觀有丹沙井，有檜其文左紐，枝枯而再生。

汝陰多老檜，處處生蒼雲。地連丹砂井，物化青牛君。時有再生枝，還作左紐文。王孫有古意，書室延清芬。應憐四孺子，齊公對

事類彙編後集

卷之三十三

問苗曰。苗始其也。不墮凡木羣體。構松柏姿氣。含芝木薰。初
與與乎。何其孺子也。扶鶴立膏。木出龍纏。筋巢根白。蟻亂網葉青。蟲紛乃知。蔽蒂初
甚要封殖。勤他年皮。三寸狐鼠。不聞

次韻趙德麟植榆

陳無已

種木待成材。聊為十年事。日中趨百里。寧問萬牛費。植榆三友
強。已有凌雲氣。生世能幾何。擬作千年計。眾人笑拍掌。君子用
其意。蕭蕭孤竹君。忘言嘿相契。名以金石交。椿楊豈奴婢。緬懷
萬仞顛。千丈蔚蒼翠。蟠根泉石底。用意霜雪外。寧須大厦材。坐
待斧斤至。散為風雨聲。客作牛馬散。

律詩

檜

秦韜玉

窈窕交榦。瘦輪困嘯。雨吟風已。百春深。蓋屈盤青塵尾。老皮張
展。黑龍鱗。唯將寒色資琴興。不放秋聲染俗塵。歲月如波。事如
夢。竟留蒼翠待何人。

桑木 榆附

羣書要語

繫于苞桑。易厥貢。繫絲禹貢。蠶月條桑。詩七月。猗彼

女桑。以伐遠揚。七月。桑之末落。其葉沃若。氓捋採其劉。桑桑無

伐我樹桑。將仲子。季春之月。命野虞無伐桑柘。記月令。五畝之

宅。樹墻下。以桑。孟子。齊魯千畝桑。其人與于石侯等。貨殖傳。

榆。榆曰樞。莖也。爾雅。是榆白粉也。榆有刺。莢為蕪。蕪。說文。無姑

其實。夷。今無夷。是山有樞。隰有榆。詩。司烜氏春。取榆火。周禮。葦

喜文貞叢書

苴粉榆兔膏脣髓以滑之內則榆社見社門榆塞見唐人詩

詩句桑柘起寒烟謝眺桑柘葉如雨杜昔遊繅成白雪桑重綠荆公

荆公

古今事實

桑穀共生多

伊陟相太戊亳有祥桑穀共生於朝

坐於桑中見誕子門

翳桑餓人見食門

道悅桑婦見夫婦門

故妻採桑多

魯秋胡子納妻五日而官於陳後歸未至家見路旁有美婦人

方採桑秋胡悅之下車願託桑蔭下婦人採桑不顧胡曰女田

不如逢年力桑不如見郎今吾有金願與夫人婦人不受胡乃

歸母呼其婦乃向採桑者也數胡之罪而自投于河

瘤女採桑見皇后門

二家爭桑多

吳公子光伐楚拔居巢鍾離初楚邊邑甲氏之處女與吳邊邑

之女爭桑二女家相怒喧兩國楚邊邑長聞之怒而攻滅吳之

邊邑吳王怒遂伐楚兩都史記

羅敷採桑多

秦氏女邯鄲人名羅敷嫁邑人千乘王仁後為趙王家令敷出

採桑于陌上王登臺見而悅之欲奪焉敷乃彈箏作陌上之歌

以自明歌見夫婦門

勸民農桑

漢景帝詔朕親耕后親桑以奉宗廟桑盛祭服為天下先欲天下務農蚕素有畜積

桑無附枝

張堪為漁陽太守勸民耕種百姓歌曰桑無附枝麥穗兩岐張君為政樂不可支

躬自採桑

龐士无師事司馬德操不矜小名人莫知之德操蚕月躬採桑后園士元助之因與談世廢與其言若神遂移日忘食德操於是異之

桑如車蓋

先主舍東南角籬下有桑樹生高五丈餘遙望幢幢如出車蓋往來者皆惟此樹非凡或謂當出貴人先主少時與宗中諸兒於樹下戲言必當乘羽葆車蓋叔父曰勿妄言滅吾門

夢桑知壽見年齒門

課民種榆以下係榆

鄭渾為魏郡太守乏材木乃課百姓種榆為籬魏志

夾道種榆

襄國鄴路千里之中夾道種榆盛夏之月人行其下鄴中記

古今文集

古詩

善文類後集

陌上桑

李白

遊女綰綺衣春還似蠶作五馬如花飛青絲結金絡不知誰家子調笑來相謔妾本秦羅敷玉顏艷名都綠條映素手採桑向城隅使君且不顧况復論秋胡寒蟿愛碧草鳴鳳棲青梧託心自有處但恠旁人愚徒勞白日暮高架空踟躕

槐

羣書要語槐之生也入季春五日而兔耳十月而鼠耳淮南子老槐生天同上槐楓被宸何晏景福殿賦樹槐聽訟其下唐槐之言歸也情見歸實也元命苞據文陞而結根曹子建槐賦守官槐葉書聶當炕郭璞注書曰聶合而夜舒布爾雅龍升南陸

火集正陽鼓柯命風振葉致涼晉王濟槐賦

詩句夏槐作雲此綠槐上上街夾道踈槐出老根並韓集

庭槐似識天顏喜舞破清陰作兩龍風動槐龍舞交翠

古今事實

三公面槐

周禮朝士面槐三公位焉

犯槐者刑

齊景公有所愛槐使入守之今日犯槐者刑傷槐者死有醉而傷槐者祖加刑焉犯者之女說晏子曰妾聞明君不為禽獸以殺人今君以樹木之故殺妾父孤妾恐害明君之政損明君之義晏子早朝而復其言於公公乃令吏罷守槐之役出犯槐之

事文類聚後集

卷之二十三

十三

囚 晏子春秋

觸槐而死

晉靈公不君趙宣子驟諫公患之使鉏麇賊之麇退嘆曰不忠
恭敬民之主也賊民之主不忠棄君之命不信有一於此不
死也遂觸庭槐而死

槐市 見市門

元始四年起明堂辟雍為博士舍二千區為合市但列槐樹數
百行諸生朔望會此市各持其郡所出物及經書相與買賣雍
雍揖讓論議樹下侃侃聞問三輔黃圖

槐安國 見巖門

手植三槐

王曹公祐事宋太祖為知制誥時魏州節度使符彥卿有飛語
聞于上遣祐使魏州以便宜付之告曰使還與卿王溥官職及
至魏得彥卿家僮十人挾勢恣橫以便宜決配而已及還朝太
祖問曰汝敢保符彥卿無異意乎祐曰臣願以百口保之上怒
華州安置祐赴貶時親朋送於都門外謂曰意公作王溥官職
矣祐笑曰祐不做兒子二郎必做二郎者文正公且也祐素知
其必貴手植三槐于庭曰吾子孫必有為三公者已而果然天
下謂之三槐王氏云聞見錄

古今文集

律詩

槐花

鄭谷

事文類聚後集

卷之二十三

十四

麤麤金葉撲晴空舉子愧驚落照中今日老郎猶有恨昔年相
履十秋風

槐黃

翁承贊

雨中粧點望中黃勾引蟬聲送夕陽憶得當年隨計吏馬蹄終
日為君忙南唐諺曰槐花黃舉子忙

宮槐

梅聖俞

漢家宮殿蔭長槐嫩色葱葱不染埃天仗龍旂穿影去鈞陳豹
尾拂枝來青蟲掛後蜂銜子素月生時桂並栽我意方同杜工
部冷淘唯喜葉新開

梧桐

臺書莫語嶧陽孤桐禹貢梧桐梓漆秦代琴瑟用梓實桐皮曰

椅今之梧桐也定之方中梧桐生矣于彼朝陽秦秦萋萋卷阿

季春之月桐始華月令鸛鷓非梧桐不棲莊子龍門之桐高百

尺而無枝中鬱結而輪囷枚乘七發乃斲孫枝田側生枝也稽

叔夜琴賦聳纖條而麗景涵清風而散音蕭子良賦挺脩幹陰

朝陽劉義恭賦

詩句梧桐生空井枝葉自相加通泉浸其根玄雲潤其柯魏文

帝寒井落梧桐選孤桐北窓外高枝百丈餘葉生既婀娜葉落

更扶踈謝元暉昔也植朝陽傾枝俟鸞鸞今者絕世用空惚見

迫東班班固不我顧牙曠不我錄焉得琴瑟成何由揚妙曲司馬

彪分根陰玉池欲待高鸞集沈約霜風侵梧桐淨若摧琅玕韓

秋懷 梧桐落金井 葉飛銀床 李白 秋雨梧桐葉落時 白居易
今夜故人來不來 教人立盡梧桐影 白居易

古今事實

據桐而瞑

莊子曰平子之神勞平子之精倚樹而吟據桐而瞑

剪桐而戲

成王唐叔虞燕居援梧葉剪之以告曰以此封汝虞喜以告周

公周公謂封虞王曰余與虞戲周公曰臣聞之天子無戲言於

是遂封叔虞於晉 呂氏春秋

刻桐扣石

晉武帝世吳郡臨平岫出一石打之無聲以問張華華云取

中桐材刻作魚形扣之則鳴夫於是如言音聞數里 異苑

燒桐以爨

吳人見有燒桐以爨者蔡伯喈聞其燥聲曰良材也因請削為

琴尾尚焦故焦尾琴

古今文集

古詩

答元微之桐花

白居易

山木多蒼鬱茲桐獨亭亭葉重碧雲花簇紫霞英是時三月
天春暖山雨晴無人解賞愛有客獨屏營生憐不得所外欲揚
其聲我為天子琴薦之於穆清誠是君子心恐非草木情老龜
被剝腸不如無神靈雄雞自斷尾不願為犧牲况此好顏色花

紫葉青青直逐天地性，忍加刀斧刑。我思五十力，拔入九重城。
 當君正殿栽花葉，生光暈上對月中。桂下覆階前，莫之拂香爐。
 煙霞映蒼藻，屏為君布綠陰。當暑陰軒楹，為君發清韻。風來如
 叩瓊，受君陽和德，不獨金芽榮。戒君無戲言，剪桐封弟兄。愛君
 歲月功，不獨資生成。為君長高枝，鳳凰上頭鳴。一鳴君萬歲，壽
 如山，不傾再鳴萬人泰。泰階為之平，如何有此用。幽滯在巖窟，
 待余有勢力，移爾獻丹庭。

題鮮于子駿桐軒

司馬君實

朝陽升東隅，照此庭下桐。葦葦復萋萋，居然古人風。疎柯青玉
 聳，翠葉翠羽蒙。午景凝餘清，夕照留殘紅。雨響響棟外，風生戶
 牖中。主人政多暇，步賞幸從容。終當致威鳳，覽德鳴雍雍。又將

施五絲解愠歌帝官

柳

羣書要語 旄，澤柳，楊，蒲柳。爾雅 楊，薄柳也。從木，易聲。檉，河柳也。
 從木，聖聲。柳，小楊也。從木，卯聲。說文 毋，析我樹杞。柳也。生水
 旁，樹如柳，葉蘆而白，木理微赤。今人以爲穀。詩：楊柳依依。采薇
 析柳樊圃，狂夫瞿瞿。東方未明 苑，波柳，斯鳴，蜩，嘒嘒。苑柳 枯楊
 生黃老，夫得其女妻。木通 鑽燧改火。左 春取榆柳木。語 柳花一
 名絮。本草

詩句 垂陽陰御溝

塞柳行疎密

官柳著行新

高柳半

天青

柳影含雲幕

市橋官柳細

並杜

柳色黃金嫩

李白木

夫曾取柳先生曾得名英華杜三松莫將條繫纜者處有蠅號
韓江頭官殿鎖千門細柳青蒲為誰綠杜纔聞暖律先偷眼既
待和風始展眉辛夤遜鬱鬱園中柳古詩柳花著水萬浮萍注
人言柳花化浮萍坡柳蜂粘落絮杜柳花閑渡竹杜楊花榆莢
無才思惟解漫天作雪飛韓顛狂柳絮隨風舞輕輕柳絮點
人衣生憎柳絮白於綿糝徑楊花鋪白氈注涌泄春光有
柳條並杜天棘蔓青絲注柳也杜

古今事實

柳生肘

支離叔與滑介叔觀於冥伯之丘崑崙之區黃帝之所休俄而
柳生其左肘支離曰子惡之乎滑介叔曰生者假借也假之而

生者者塵垢也然生為晝夜且吾與子觀化而化及我又何惡
焉莊子

家柳下

展禽之家樹柳行惠德因號柳下惠一曰邑名

細柳將軍

漢周亞夫屯軍細柳

五柳先生

陶潛作傳曰五柳先生不知何許人亦不詳姓字宅邊有五柳
樹因以為號

章臺柳

張敞為京兆尹走馬街有柳終唐時章臺柳故杜甫贈嚴武詩
云京兆空柳市

三眠柳

漢苑中有柳狀如人號曰人柳一日三起三倒故江之媽賦云
不比禁中，人柳終朝刺得三眠。溫曼詩話

鍛於柳下

嵇康好鍛宅中有一柳樹甚茂乃激水圍之每夏月居其下
少時種柳

桓温自江陵北行少時所種柳處皆十圍慨然嘆曰木猶如此
人何以堪攀枝執條泫然流淚

以柳自蔽

顧愷之疑信小術桓玄嘗以一葉柳給之曰此蟬翳葉也以自
蔽人不見已愷之引葉自蔽玄就溺焉愷之信不見以珍重之

俗傳愷之有三絕此疑之一絕

知盜官柳

陶侃鎮武昌性纖密好問類趙廣漢嘗課諸營種柳都尉夏施
盜官柳植於已門侃後見駐車問曰此是武昌西門官柳何因
盜來此種施惶恐謝罪

蜀柳可愛

齊劉俊之為益州刺史獻蜀柳數株條甚長狀若絲纒武帝植
於大昌靈和殿前常翫嘆曰此楊柳風流可愛似張緒少年時
當時見賞如此

狀如車蓋

隋高穎孩提時家有柳樹高百許尺亭亭如車蓋父老曰此家

當出宰相後頰果至宰相

隋堤柳

隋煬帝自板渚引河築街道植以柳名曰隋堤一千二百里

白楊不祥

唐司稼卿梁孝仁高宗時監造蓬萊宮於諸苑院列種白楊將軍契苾何力鐵勒之渠率也於宮內縱觀孝仁指白楊云此本易長三數年間宮中可得蔭映何力一無所應但誦古詩白楊多悲風蕭蕭秋殺人意謂此是塚墓間木非宮中所宜種孝仁遷令拔去更植梧桐

敬父所植

唐韋虛心父維為郎時蒔柳于庭及虛心居郎省對之輒飲春

古今文集

古詩

柳條歌送客

劉商

露井天桃春未到遲日猶寒柳開早高枝低枝飛鸚黃千條萬條覆官牆幾回離別折欲盡一夜東風吹又長
進依依送君無遠近青春去住隨柳條却寄來人以爲信

律詩

陽關三疊

王維

渭城朝雨浥輕塵客舍青青柳色新
勸君更盡一杯酒西出陽關無故人

柳

鄭谷

半烟半雨江橋畔。映杏映桃山路中。會得離人無限意。千絲萬
絮惹春風。

柳

李商隱

曾逐東風拂舞筵。樂遊清苑斷腸天。如何肯到清秋日。已帶斜
陽又帶煙。

柳

薛能

高出軍營遠。映橋曾逢兵火。一時燒風流。性格終難挫。暖日還
生萬萬條。

柳

羅隱

灞岸晴來送別頻。相偎相倚不勝春。自家飛絮猶無定。爭把長
條絆得人。

楊柳詞

賀知章

碧玉裝成一樹高。萬條垂下綠絲條。不知細葉誰裁出。二月春
風似剪刀。

楊柳枝

白居易

陶令門前四五樹。亞夫營裏百千條。何似東都正二月。黃金枝
映洛陽橋。

楊柳枝

韓琮

枝裊纖腰葉鬪眉。春來無處不成絲。霸陵原上多離別。少有長
條拂地垂。

楊柳枝

楊巨源

江邊楊柳颺塵絲。立馬馮谿折一枝。雖有春風最應惜。慙慙更

向手中吹

楊柳枝

劉禹錫

城外春風吹酒旗行人揮袂日西時長安陌上無窮樹惟有垂楊管別離

又

輕盈媚娜占年華舞榭粧樓處處遮春盡絮飛留不得隨風好去落誰家

柳絮

陳去非

柳送腰肢日幾回更教飛絮舞樓臺顛狂忽作高千丈風力微時穩下來

柳

李商隱

江南江北雪初消漠漠輕黃惹嫩條灑晴已攀行客手楚宮先聘舞姬腰清明帶雨臨官道晚日含風拂野橋如線如絲正牽根王孫歸路一何遙

評柳

薛逢

弱植驚風急自傷暮來翻遣思悠揚曾飄綺陌隨高下敢拂朱欄競短長縈砌乍飛還乍舞撲池如雪又如霜莫令岐路頰攀折漸擬清陰到畫堂

柳絮

劉禹錫

飄揚南陌起東鄰漠漠濛濛暗度春花巷暖隨輕舞蝶玉樓晴拂艷妝人縈迴謝女題詩筆點綴陶公漉酒巾何處好風偏似雪隋河堤上古江津

事文類聚後集

卷之三十三

三

次韻賦楊花

張芸叟

隨風隊霧事輕儇。巧占人間欲夏天。只恐障空飛似雪。從教糝徑白於綿。未央官暖黏歌袖。楊子江清惱客船。老去強看愁底事。昏花滿眼意茫然。

衆木

羣書要語所謂故國者非謂有喬木之謂也。孟子直木先伐。淮南子枯木輪囷為萬乘器。鄒陽傳百年之木破為犧樽。青黃而文之。其斷在溝中。比犧樽於溝中之斷。則有間矣。莊子慎子曰。廊廟之材。蓋非一木之枝也。莊子千歲之樹。精化為青羊。萬歲之樹。精化為青牛。文中記十年之計。樹之以木。古詩于雲蔽日。

之木起於青葱。魏相傳

拱把。孟子

合抱。晉孫綽傳

詩句。繞屋樹林。疎選護堤。盤古木。

于童夏木清。並杜

琉璃剪。

木葉。韓庭內無所有。高樹八九株。有藤纏絡之。春華夏陰敷。並

古今事實

大椿

大椿八千歲為春。八千歲為秋。

檇櫟不材。

吾有大樹。人謂之檇。其大本擁腫而不中繩墨。其小枝卷曲而不中規矩。莊道選匠石之齊。至于曲轅。見櫟社樹。其大蔽牛。觀者如市。匠石不顧。弟子曰。自吾執斧斤以隨夫子。未嘗見材如此其美也。先生不肯視。何耶。曰。已矣。勿言之矣。散木也。是不材。

卷之二十三
之木也無節可用 人間世

商丘之木

南郭子綦遊于商之丘見木焉有異結駟千乘隱將庇其蔭子綦曰此何木也然必異材從而視其細枝則拳曲而不可以為棟俯而視其木根而不可以為棺擲其葉則舌爛臭之則使人狂醉子綦曰此果不材之木以至其大矣

古今文集

雜著

成都犀浦國寧觀古楠記

陸務觀

予在成都嘗以事至沉犀過國寧觀有古楠四皆千歲木也枝擾震漢聲挾風雨根入地不知幾百尺而陰之所庇車且百兩

正晝日不穿漏夏五六月暑氣不至凜如九秋成都固多壽木然莫與四楠比者予蓋愛而不能去者彌月有石刻立廡下曰是仙人遽君手植予歎曰神仙至人手之所觸氣之所呵患疾者起盲聵者愈榮茂枯朽而金玉瓦石不難况其親所培植哉久而不稿不死固宜欲為作詩文會多事不果嘗以語道人遽昌老真叟以為恨予既去蜀三年而昌老萬里以書屬予曰國寧之楠幾伐以營繕郡人力全之僅乃得免懼卒不免也君為我終昔意予發書且歎且喜夫勿剪懋棠恭敬桑梓愛其人及其木自古已然姑以蜀事言之則唐節度取孔明祠柏一小枝為手板書於圖志今見非詆蔣堂守成都有美政止以築銅壺閣伐江瀆廟木坐誣言罷亦書國史且王建孟知祥父子專有

西南窮土木之侈，沉犀近在國城數十里間，而四楠不為當時所取，彼猶有畏而不敢者。况今聖主以恭儉化天下，有夏禹卑宮室，漢文罷露臺之風，專闢方回，皆重德偉人，豈其殘滅千歲遺跡，侈大棟宇，為王孟之所難哉？意者情出於吏，胥梓匠欺罔，專恣以自為功而已。使有以吾文告之者，讀未終篇，禁令下矣。然則其可不書。

古詩

櫻花

劉貢父

斫破夜叉頭，取出仙人掌。鮫人滿腹珠，鮪魚新出網。

櫻欄

梅聖俞

青青櫻欄樹，散葉如車輪。擁攢交紫髯，歲剝豈非仁。用以覆

輿何憚，冠厥身。今植八侯第，愛惜知幾春。元之固不長，只與藤本均。幸當勅園吏，披剝見日新。是能去窳束，始得物理親。

枯楠

杜甫

橫楠枯嶢嶢，鄉黨皆莫記。不知幾百歲，慘慘無生意。上枝摩皇天，下根躡厚地。巨圍雷霆折，萬孔蟲蟻萃。凍雨落流膠，衝風奪佳氣。白鵠遂不來，天雞為愁思。猶含棟梁具，無復霄漢志。良士古昔少，識者出涕淚。種榆水中央，成長何容易。截承金露盤，曷曷不自畏。

柘木為風雨所拔歌

杜甫

嶺江柘樹草堂前，故老相傳十百年。誅茅卜居總為此，五月髣髴聞寒蟬。東南飄風動地至，江翻石走流雲氣。幹排雷雨猶力

爭根斷泉源豈天意滄波老樹性所愛浦上重重一青蓋野客
頓留恨雪霜行人不過聽竿籟虎倒龍顛委榛棘淚痕血點垂
胸臆我有新詩何處吟草堂自此無顏色

律詩

憑何少府覓橙栽

杜甫

草堂墜西無樹林非子誰復見幽心飽聞橙木三年大與置溪
邊十畝陰

楓林

杜牧

遠上寒山石徑斜白雲生處有人家停車坐愛楓林晚霜葉紅
於二月花

榕樹

楊廷秀

直不為楹圓不輪斧斤亦復赦渠新數株連碧瓦成茵一腔空
肥總是筋

櫻櫚

洪舜俞

舊脫敗簑亂新添華節高蕭客春尚靜俠氣夏方豪黃孕子魚
腹青披孔雀尻豐撞知可製雷動景鍾號

賦蘇明允木假

梅舜俞

空山枯楠大蔽牛霹靂夜落魚鳧洲魚鳧水射幾千秋蠹肌爛
隨沙蕩流惟存堅骨蛟龍鏤形侔三山中雄首左右兩峰相連
翼尊奉君長無慢尤蘇夫子見之驚且喜買於溪叟憑貂裘因
嗟大不為梁棟又歎殘不為薪蕪雨侵蘚澁得石瘦宜與天子
歸隱丘

事文類聚後集

卷之二十三

二六

次韻并序

蘇子瞻

吾先君子嘗畜木山三峰且為之記與詩人梅一丈聖俞見而賦之今三十年矣而猶子千乘又得五峰益奇因次

聖俞韻使并刻之其側

木生不願回萬牛願終天年仆沙洲時來幸逢河伯秋掀然見
惟推不流蓬姿雪嶺巧雕鏤蟄蟲行蟻為豪酋阿咸太膽忽持
去河伯好事不汝尤城中古沼浸坤軸一林瘦竹吾菟裘一頃
良田不難買二年椹木行可頽會將白髮對蒼嶽魯人不壓東
蒙丘

新編古今事類彙編後集卷之二十三 終

早稲田大学図書館

011488505680